

Վարչապետի աշխատակազմ | Փոխվարչապետ Միեր Գրիգորյանի գրասենյակ | Համագործակցության և բարեփոխումների վարչություն | Գլխավոր մասնագետ | 06-Գ30-20-Մ1-4

Ենթակա և հաշվետու է

Վարչության Գլխավոր մասնագետն անմիջական ենթակա և հաշվետու է Վարչության պետին:

Ենթակա և հաշվետու պաշտոններ

Փոխարինող պաշտոնի կամ պաշտոնների անվանումները

Վարչության Գլխավոր մասնագետի բացակայության դեպքում նրան փոխարինում է Վարչության գլխավոր մասնագետներից մեկը:

Աշխատավայր

Հայաստան, ք.Երևան, Հանրապետության հրապարակ, Կառավարական տուն, 1:

Աշխատանքի բնույթը (գործառնություններ)

- իրականացնում է Եվրասիական տնտեսական միության (ԵԱՏՄ) կառույցների, ինչպես նաև՝ ԵԱՏՄ անդամ պետությունների համապատասխան մարմինների հետ համագործակցության աշխատանքներ,
- իրականացնում է ԵԱՏՄ հետ Հայաստանի Հանրապետության իրավասու մարմինների՝ փոխվարչապետի կողմից համակարգման ապահովման աշխատանքներ,
- Եվրասիական տնտեսական հանձնաժողովի (ԵՏՀ) կողմից, ԵՏՀ խորհրդի, Եվրասիական միջկառավարական խորհրդի, ինչպես նաև՝ Եվրասիական տնտեսական բարձրագույն խորհրդի նիստերի օրակարգերի հարցերի վերաբերյալ պատրաստում է տեղեկանքներ և իրականացնում Հայաստանի Հանրապետության դիրքորոշման ձևավորմանն ուղղված աշխատանքներ,
- իրականացնում է համագործակցության աշխատանքներ Անկախ պետությունների համագործակցության (ԱՊՀ) կառույցների, ինչպես նաև՝ ԱՊՀ մասնակից երկրների համապատասխան մարմինների հետ,
- իրականացնում է ԱՊՀ կառույցների հետ Հայաստանի Հանրապետության իրավասու մարմինների՝ փոխվարչապետի կողմից համակարգման ապահովման աշխատանքներ,
- մասնակցում է ԱՊՀ տնտեսական խորհրդի, ԱՊՀ կառավարությունների ղեկավարների խորհրդի և ԱՊՀ պետությունների ղեկավարների խորհրդի նիստերի օրակարգերի՝ իր համակարգման ոլորտներին առնչվող հարցերի վերաբերյալ ՀՀ դիրքորոշման ձևավորմանն ուղղված աշխատանքներին,
- իրականացնում է Հայաստանի Հանրապետության և Եվրոպական միության (ԵՄ) միջև տնտեսական համագործակցության՝ ներառյալ Համապարփակ և ընդլայնված գործընկերության համաձայնագրի շրջանակներում, ՀՀ իրավասու մարմինների աշխատանքների համակարգում,
- իրականացնում է ԵԱՏՄ և ԵՄ հետ տնտեսական քաղաքականության ներդաշնակեցմանն ուղղված՝ ՀՀ իրավասու մարմինների աշխատանքների համակարգում,
- Վարչության լիազորությունների շրջանակներում մասնակցում է խորհրդատվական կոմիտեների, ենթակոմիտեների, աշխատանքային խմբերի և այլ խորհրդատվական մարմինների կողմից իրականացվող աշխատանքներին:

Իրավունքները

- սահմանված կարգով ստանալու ծառայողական պարտականությունների կատարման համար անհրաժեշտ տեղեկություններ և նյութեր,
- մարմիններից պահանջելու ներկայացնել անհրաժեշտ տեղեկատվություն, հիմնավորումներ, փաստաթղթեր, նյութեր, մասնագիտական կարծիքներ, առաջարկություններ և այլն,
- Վարչության իրավասությունների և իր գործառնությունների շրջանակներում համապատասխան մարմինների ներկայացուցիչների հետ կազմակերպելու խորհրդակցություններ, աշխատանքային և առաջադրված խնդիրների լուծման շուրջ մասնագիտական քննարկումներ,
- մասնակցելու Վարչության իրավասությունների և իր գործառնությունների շրջանակներում այլ կառույցների և մարմինների կողմից կազմակերպվող քննարկումներին և խորհրդակցություններին:

Պարտականությունները

- ուսումնասիրել ԵԱՏՄ կառույցներից և անդամ պետությունների համապատասխան մարմիններից, ԱՊՀ կառույցներից և ԱՊՀ մասնակից պետություններից ստացված, ինչպես նաև՝ Վարչության իրավասության ոլորտներին առնչվող՝ իր գործառնությունների մասով ստացված գրությունները, առաջարկությունները, նախագծերն ու այլ փաստաթղթերը և դրանց հետագա ընթացքի ապահովման նպատակով պատրաստել հանձնարարականներ ու գրություններ, իրականացնել հսկողություն հանձնարարականների կատարման ընթացքի նկատմամբ,
- իր լիազորությունների շրջանակներում վերլուծել փաստաթղթեր, նախապատրաստել առաջարկություններ, տեղեկանքներ, հաշվետվություններ, զեկուցագրեր և այլ գրություններ,
- Վարչության պետին ներկայացնել զեկուցումներ՝ համապատասխան մարմիններում իր գործառնություններին առնչվող ուղղություններով կատարվող աշխատանքների վիճակի մասին,
- ուսումնասիրել միջազգային տնտեսական ինտեգրման ոլորտին առնչվող փաստաթղթերն ու ապահովել դրանց հետագա ընթացքը,
- վերլուծել միջազգային տնտեսական միությունների հետ տնտեսական հարաբերությունները, ներկայացնել առաջարկներ դրանց վերաբերյալ,
- Վարչության գործառնությունների և լիազորությունների շրջանակներում աշխատանքների ապահովման նպատակով Վարչության պետի հանձնարարությամբ համագործակցել փոխվարչապետի՝ համապատասխան համակարգման ոլորտների գծով խորհրդակցականների հետ:

Կրթություն, որակավորման աստիճանը

ԲԱՐՁՐԱԳՈՒՅՆ ԿՐԹՈՒԹՅՈՒՆ

Մասնագիտական գիտելիքները

Ունի գործառնությունների իրականացման համար անհրաժեշտ գիտելիքներ:

Աշխատանքային ստաժ, աշխատանքի բնագավառում փորձը

Հանրային ծառայության առնվազն երկու տարվա ստաժ կամ երեք տարվա մասնագիտական աշխատանքային ստաժ կամ տնտեսագիտության, ֆինանսավարկային, միջազգային կապերի (միջազգային հարաբերությունների) բնագավառում երեք տարվա աշխատանքային ստաժ:

Աշխատանքի կազմակերպման և ղեկավարման պատասխանատվությունը

Պատասխանատու է համապատասխան մարմնի և կառուցվածքային ստորաբաժանման աշխատանքների բնույթով պայմանավորված մասնագիտական գործունեության արտաքին ներգործություն ունեցող վերջնարդյունքի համար:

Որոշումներ կայացնելու լիազորությունները

Կայացնում է որոշումներ աշխատանքների իրականացման բնույթով պայմանավորված մասնագիտական եզրակացությունների տրամադրման և ՀՀ օրենսդրությամբ նախատեսված դեպքերում որոշումների կայացման շրջանակներում:

⚙️ Գործունեության ազդեցությունը

Ունի տվյալ մարմնի նպատակների և խնդիրների իրականացման արդյունքների ապահովման մասնագիտական գործունեության որոշակի ոլորտին վերաբերող համապետական ազդեցություն:

👥 Շփումները և ներկայացուցչությունը

Իր իրավասությունների շրջանակներում շփվում և որպես ներկայացուցիչ հանդես է գալիս տվյալ մարմնի և այլ պետական մարմինների ներկայացուցիչների հետ, ինչպես նաև մասնակցում է տարբեր մարմինների ներկայացուցիչներից ձևավորված աշխատանքային խմբերի աշխատանքներին, միջազգային կազմակերպությունների ներկայացուցիչների հետ հանդիպումներին:

🌐 Խնդիրների բարդությունը և դրանց լուծումը

Իր լիազորությունների շրջանակներում բացահայտում է մասնագիտական խնդիրներ և այդ խնդիրներին տալիս է մասնագիտական լուծումներ և մասնակցում կառուցվածքային ստորաբաժանման առջև դրված խնդիրների լուծմանը:

📋 Բնագավառներ

ԿՈՄՊԵՏԵՆՑԻԱ

ԸՆՏՐԱՆՔԱՅԻՆ

- Բանակցությունների վարում
- Փոփոխությունների կառավարում
- Ժամանակի կառավարում
- Ժողովների և խորհրդակցությունների կազմակերպում և վարում
- Փաստաթղթերի նախապատրաստում

ԸՆԴՀԱՆՐԱՊԵՏ

- Բարեվարքություն
- Տեղեկատվության հավաքագրում, վերլուծություն
- Ծրագրերի մշակում
- Խնդրի լուծում
- Հաշվետվությունների մշակում